

ՀԱՅԿԱԿԱՆ ՀԱՐՑԸ ԱՄՆ-Ի ԱՄՍԱԴՐՆԵՐԻ ԷԶԵՐԱԲՈՒՄ
(XIX դ. 90-ական րվականների կեսեր)

ԱՐՄԱՆ ԿՐԻԱԿՈՍՅԱՆ

Թուրքական սուլթան Աբդուլ-Համիդ II-ի սաստկացող հակահայկական խռոթականությունը, հայ խաղաղ բնակչության մասսայական կոտորածները Օսմանյան կայսրության մեջ XIX դ. 90-ական թվականների կեսերին լայնորեն լուսաբանվեցին ԱՄՆ-ի թերթերի և ամսագրերի էջերում: Ծանոթություններ մի շարք հասարակական գործիչների կարծիքին, որոնք հանդես էին գալիս ամերիկյան պարբերական հրատարակությունների էջերում, թույլ է տալիս ավելի խորն ու լիակատար բացահայտելու մեծ տերությունների իմպերիալիստական քաղաքականության էությունը հայկական հարցում*:

Հայաստանի և հայկական հարցի վերաբերյալ բազմաթիվ հոդվածներով հանդես են գալիս ճանապարհորդներ, առևտրականներ, ԱՄՆ-ի համալսարանների պատմաբան պրոֆեսորներ, ամերիկյան միսիոներներ, լրագրողներ, դիվանագետներ, եկեղեցական գործիչներ: Ոմանք ընթերցողին ծանոթացնում են հայ ժողովրդի, հայ եկեղեցու պատմությանը, նկարագրում են 1894—1896 թթ. արյունալի ջարդերը, մյուսները վերլուծում են հայկական հարցի շուրջը ստեղծված դիվանագիտական բարդությունները:

Առանձնահատուկ հետաքրքրություն են ներկայացնում այն նյութերը որոնք վկայում են XIX դ. 90-ական թվականներին Օսմանյան կայսրության լափաղանց ծանր ներքին դրության մասին: Հիմնվելով զրկանքներով ու տառապանքներով լի իրենց ուղին սնցած հայ փախստականների պատմությունների վրա, ամերիկահայ հեղինակ Մ. Գյուլեսյանը «Հայ փախստականները» հոդվածում ընթերցողին ծանոթացնում է թուրքական իրականության դարձուրելի պատկերին: Նա մանրամասն նկարագրում է հայ խաղաղ բնակչության կոտորածները, այն դաժանությունը, կաշառակերությունն ու կոռուպցիան, որոնք այնքան հատուկ էին ժամանակի թուրքական ադմինիստրացիային¹: «Մեծ մարդասպանը և Հայաստանի քրիստոնյաները» հոդվածի հեղինակ Ջ. Մակդերմոթը Օսմանյան կայսրությունը համարում էր «քաղաքակիրթ աշխարհի վաղակի աղբյուր»²:

«Սենյրի մադադին» ամսագրում հրատարակված է Թուրքիայում Ամերիկայի Միացյալ Նահանգների դեսպան Ա. Տերրելի Ձրույց սուլթան Աբդուլ-

* Հոդվածը շարագրված է ամերիկյան «Ատլանտիկ մանթի», «Արենա», «Սենյրի ժազադին», «Կաթոլիկ ուորլդ», «Ֆորում», «Նեյշն», «Աութուկ», «Թեյու օֆ ռեյուզ» ամսագրերի նյութերի հիման վրա:

¹ M. H. Gulestan, The Armenian Refugees (*Arenas*, vol. 77, Boston, 1897, p. 659—662).

² George McDermot, The Great Assassin and the Christians of Armenia (*Catholic World*, vol. 64, New York, 1896, p. 295).

Համիդի հետ» հոգվածը, Այնտեղ նկարագրված է ամերիկյան դիվանագետի հանդիպումը թուրքական սուլթանի հետ և ցույց է տրված Համիդի և նրա կառավարության անմիջական մասնակցությունը հայերի կոտորածի կազմակերպմանը, Ա. Տերրելի հետ ունեցած զրույցի ժամանակ սուլթանը, կարծես արդարացնելով իրեն և իր նախորդներին, բերում էր հայ ժողովրդի նկատմամբ լավ վերաբերմունքի բազմաթիվ վկայություններ³։ Սակայն սուլթանը նկատի ուներ այն հայերին, որոնք իրենց ամբողջությամբ նվիրել էին Թարձ, Դոանը ծառայելուն և լիովին հեռացել էին արևմտահայ աշխատավոր բնակչության կենսական շահերից։

«Թուրքիան և հայկական ճգնաժամը» հոգվածի հեղինակ Խ. Պետերսոնը սուլթան Աբդուլ-Համիդի արյունախում քաղաքականության ակունքները որոնում էր մահմեդական մոլեռանդության մեջ։ Նրա կարծիքով սուլթանը մեղավոր չէ, քանի որ «նա տիպիկ մահմեդական է՝ և ամենաուղղահավատ մահմեդականը այն տիրակալների մեջ, որոնք երբեք նստել են կայսրության դահլիճին։ Նա անում է այն, ինչ նրան հրամայում է Մուհամեդը Ղուրանի 47-րդ սուրահում⁴։ Ամերիկյան հեղինակը գրել է, որ մի անգամ նեջիբ փաշան Դամասկոսում բրիտանական հյուպատոսության դադարի գործակալին ասել է, թե իբր թուրքական կառավարությունը կարող էր իր իշխանությունը պահպանել միայն բրիտանյա հպատակների թիվը կրճատելու դեպքում։ Հոգվածում Խ. Պետերսոնը բերել է մեծ վեգիթի հետևյալ խոսքերը. «Ազատվել հայկական հարցից, նշանակում է ազատվել հայ ժողովրդից»⁵։

Եվ ահա շուտով, սկսած 1894 թ., այդ խոսքերը հաստատվեցին հայ լիազադ բնակչության մի շարք զարհուրելի ջարդերով։

XIX դ. 90-ական թվականներին ԱՄՆ-ի ամսագրերում հրապարակվել են Օսմանյան կայսրությունում հայերի կոտորածի պատկերներ, ներկայացնող հոգվածներ, վկայություններ, հաղորդումներ և նամակներ, Այսպես, Լ. Աբբոտի կարծիքով, Թուրքիայում հայ բնակչության կոտորածը արդյունք է ոչ թե զազազած ամբոխի զործողությունների, այլ սուլթան Աբդուլ-Համիդի քաղաքականության, որը կիրառվում էր հետևողականորեն, համառորեն և անխնա կերպով⁶։

Նյու Յորքի «Սեյչն» ամսագրում զետեղված է աղբյուրամբ հույն Դ. Կալուպոտակեսի «Կոստանդնուպոլսի ջարդերը» հոգվածը, որն ուղարկվել էր Աթենքից, նա հայտնում է 1200 հայ փախստականների մասին, որոնք ապաստան էին գտել Աթենքում և Պյուրոսում։ Կալուպոտակեսը նշում է, որ հայ զաղթականները որպես կանոն մնում էին առանց աշխատանքի և բարձր էին տալիս իրենց ողորմելի գոյությունը։ Նույն հեղինակը բերում է ականատես հայերի մի շարք վկայություններ, որոնք ապացուցում են թուրքական պաշտոնական իշխանությունների մասնակցությունը կոտորածին, Ականատեսներից մեկը պատմել էր, որ հայերին կոտորող մահմեդական ամբոխի

³ A. W. Terrell, An Interview with Sultan Abdul Hamid ("Century Magazine", vol. 55/33, 1897, p. 133).

⁴ Theodore Peterson, Turkey and Armenian Crisis ("Catholic World", vol. 61, New York, 1895, p. 667).

⁵ Lyman Abbott, Armenian Question ("Outlook", vol. 54, New York, 1896, p. 1036).

ղլուխ էին կանգնած 25 ուստիկան, Մյուս ականատեսը վկայում է, որ թուրք զինծառայողները ղեկավարում էին 100 սոֆոտաների՝ զառթողությունները, որոնք հայերի վրա էին նետվում բացականչելով՝ «ներկար կյանք սուլթան Համիդին»։ Նույն փախստական հայեր պատմում էին, թե ինչպես թուրք մասվաճառը բռնել էր մի հայի և իր խանութի վահառասեղանի վրա կտոր-կտոր արեելք⁶։

Բոստոնի «Առլանտիկ մանթլի» ամսագրում հրապարակված հոդվածում Թուրքիայում ԱՄՆ-ի դեսպանության աշխատակից Զ. Ռոբերտսը հանգամանորեն նկարագրում է 1896 թ. Կոստանդնուպոլսի կոտորածի սարսափելի տեսարանները։ Նրա վկայությամբ, երբ օրվա ընթացքում Օսմանյան կայսրության մայրաքաղաքում սպանվել է յոթից մինչև տասը հազար հայ⁷, հոդվածի հեղինակը բերում է դեսպանության աշխատակից Լեմմին պատմածը հայուհի Մանելյանի՝ սուլթան Աբդուլ-Մեջիդի քարտուղար Հակոբ Հակոբյանի դստեր մասին, քարտուղար, որը ինչ-որ մի անգամ փրկել էր սուլթանի կյանքը։ Կոստանդնուպոլսի կոտորածի ժամանակ զոհվեցին այդ կնոջ երեք որդիները։ Ամբողջ երկու օր այդ երեք եղբայրները ետ էին մղում թուրք զինվորների հալածակումը։ Նրբ փամփուշտները վերջացան, եղբայրները վերջ տվեցին իրենց կյանքին։ Թշվառ կինը մի մեռնող որդուց մյուսին էր նետվում։ Տուն ներխուժած թուրք զինվորները որոշ ժամանակ լուռ դիտում էին այդ սարսափելի տեսարանը։ Հետո նրանցից մեկն ասաց. «Այս քավթառ շալը մենակ թողեք իր մեռած լակոտների հետ»⁸։

Թ. Պետերսոնը «Թուրքիան և հայկական ճգնաժամը» հոդվածում մեջ է բերում Վ. Հյուգոյի զիպուկ դիտողությունը Օսմանյան կայսրության մեջ կատարված ողբերգական իրադարձությունների առթիվ. «Երբ Փարիզում են մարդ սպանում, ապա այդ արարքը կոչվում է մարդասպանություն, իսկ Արեւելքում՝ հիսուն հազար մարդու կոտորածը հարց է համարվում»⁹։

Այս շրջանում ամերիկյան տարբեր բարեգործական ընկերություններ կոտորածներից տուժած հայերին ցույց էին տալիս աջակցություն և օգնություն. այդ բանը ևս արտացոլվել է ԱՄՆ-ի ամսագրերի էջերում։ Ամերիկյան որոշ կաղմակերպություններ ստանձնել էին Թուրքիայից փախածներին տեղավորելու գործը։ Մ. Գյուլեսյանը հատկապես նշում է Օգնության հայկական ասոցիացիայի և Նյույորքցի ոմն դոկտոր Ալվազյանի գործունեությունը։ Ինքը՝ Մ. Գյուլեսյանը, իր ֆարրիկայի հարկերից մեկը տրամադրել է փախստական հայերին, նրանց ապահովելով սննդով և հագուստով¹⁰։ «Օգնություն Հայաստանին» հոդվածում «Առլանտիկ» ամսագիրը գրել է, որ Կարմիր խաչի ընկերությունը, Օգնության հայկական ասոցիացիան և Ավետարանական միությունը միավորել են իրենց ջանքերը՝ հայերին օգնելու նպատակով նվիրատվություններ հավաքելու համար։

⁶ D. Kalopothakes, The Constantinople Massacres ("Nation", vol. 63, New York, 1896, p. 265—266).

⁷ Chalmers Roberts, A Mother of Martyrs ("Atlantic Monthly", vol. 53, Boston, 1899, p. 90).

⁸ Նույն տեղում, էջ 94—96։

⁹ Theodore Peterson, նշվ. հոդվ., էջ 467։

¹⁰ M. H. Gulesian, The Armenian Refugees ("Arena", vol. 77, Boston, 1897, p. 654—655).

Անհրաժեշտ է նշել, որ ամերիկյան միսիոներների ակտիվ դործունեության նպատակները չէին սահմանափակվում Օսմանյան կայսրության բրիտանիա ժողովուրդների «ազակցության» և հովանավորության միսիոներությունը ԱՄՆ-ի կառավարության քաղաքականության իրականացնողն էր, կառավարություն, որը ձգտում էր յուրովի ամրապնդել իր ազդեցությունը քայքայվող Օսմանյան կայսրությունում:

Որոշ հեղինակներ պատմական էքսկուրսներ են կատարել, իրենց ընթերցողներին ծանոթացնելով հայ ժողովրդի անցյալին: Այդ հոդվածները ժամանակին ունեին ճանաչողական նշանակություն և ընթերցողին պատկերացում էին տալիս մի ժողովրդի մասին, որը գալիս ներդրում է կատարել համաշխարհային մշակույթի զանազանում:

Նյու Յորքի «Ֆորում» ամսագրում գետնից բերված է գերմանացի աշխի ընկնող քաղաքական գործիչ Պ. Ռուբինի «Առաջնություն հայկական հարցին» հոդվածը: Իր հոդվածում նա պրոբլեմի իմացությունը ամերիկյան ընթերցողին ծանոթացնում է հայ ժողովրդի պատմությանը, հայկական հարցին: Հեղինակը նշում էր, որ Հոռմում տեղի ունեցած քաղաքացիական պատերազմների ժամանակ Հայաստանը դարձել է աշխարհի մեծ պետություններից մեկը, իսկ մեծ թվականության 301 թ. պատմության մեջ առաջին անգամ բրիտանիկությունն ընդունել է որպես պետական կրոն¹¹:

Ամերիկյան ամսագրերի կրոնական հրատարակություններում ընդգծվում էր, որ հայերը բրիտանիկական քաղաքակրթության հնագույն ժողովուրդ են, որ նրանք միշտ բարեկամաբար և խաղաղասիրությամբ են վերաբերվել հարևան ժողովուրդներին: Բազմաթիվ օրինակներ էին բերվում հին պատմություններից, ցույց էր տրվում հայերի բարձր մակարդակը զրականության, գիտության և արվեստի բնագավառում¹²:

Ամերիկյան հրատարակատու Թ. Պետրոսյանը գրել է, որ «նրանք, ովքեր ճանապարհորդել են Ռուբինայում, ուսումնասիրել են պատմությունը կամ հետաքրքրվել հնագույն քաղաքակրթություններով, կհամաձայնվեն, որ անցյալում հայերը եղել են ավելի քաղաքակրթված, ավելի շատ են առաջադիմել արվեստի, առևտրի և զրականության զարգացման գործում, քան թուրքերը այսօր»¹³, Հենց նա էլ նկատել է, որ հայերը, որոնց քանակը Օսմանյան կայսրության մեջ հասնում էր 3 միլիոնի, ունեին ավելի քան 30 պարբերական հրատարակություն, այն դեպքում, երբ 15 միլիոն թուրքերն ունեին 20 հրատարակություն: Ավելին; Թուրքական հրատարակությունների մեծ մասի գլուխկանգնած էին հայ խմբագիրները¹⁴:

«Հայաստան. առցյալը և ներկան» հոդվածում, որը հրատարակվել էր Նյու Յորքի «Կաթոլիկ ուորլդ» ամսագրում, Կաթոլիկական համալսարանի հնագիտության և արևելյան լեզուների պրոֆեսոր Հ. Հիվերնատը ամերիկյան ընթերցողին ամենասեղմ ձևով ներկայացրել է հայ ժողովրդի անցած փշոտ ճանապարհը: «Իրախտի և թաղարյալ կրկիրը», «Սուրբ Արարատ», «Հայերի

¹¹ Paul Rohrbach, A Contribution to the Armenian Question («Forum», vol. 19, New York, 1900, p. 482—483).

¹² R. M. Ryan, Why we Catholics Sympathize with Armenia («Catholic World», vol. 62, New York, 1895, p. 181—182).

¹³ Theodore Peterson, նշվ. հոդվ., էջ 668:

¹⁴ Նույն տեղում, էջ 669:

լինոգրաֆիան», «Քրիստոնեության վաղագույն ընդունումը», «Մահմեդական նվաճողները» գլուխներում հեղինակը տալիս է Հայաստանի աշխարհագրական դիրքի վառ նկարագրությունը, հայ ժողովրդի, հայ եկեղեցու համառոտ պատմությունը¹⁵, Իհարկե, չի կարելի համաձայնվել Հ. Հիվերնատի բոլոր դրույթների հետ։ Սակայն ականերն է, որ նա ձգտել է այն ժամանակվա գիտական տվյալների հիման վրա հանգամանալից պատկերացում տալ հայ ժողովրդի պատմության և քաղաքակրթության մասին։

ԱՄՆ-ի 90-ական թվականների ամսագրերի էջերում զգալի տեղ էր հատկացվում հայկական հարցում եվրոպական տերությունների քաղաքականության վերլուծությանն ու բննադատությանը։

Քննարկելով Օսմանյան կայսրության մեջ հայերի դրության վատթարացման պատճառները, շատ հեղինակներ մատնանշում էին հայկական հարցում Դիզրալիի, Սուլթերիի և անգլիական կառավարության մյուս պարագլուխների դիվանագիտական քայլերի բացասական դերը, սկսած Սան-Ստեֆանոյի պայմանագրի ժամանակներից և վերջապես 1894—1896 թթ. արյունալի իրադարձություններով։

Ամերիկյան հասարակական կարծիքի, մասնավորապես հրապարակախոսների քննադատական դիրքավորումը Օսմանյան կայսրությունում Մեծ Բրիտանիայի քաղաքականության, հայկական հարցում անգլիական կառավարողների դործողությունների նկատմամբ, անկասկած, ուշադրության է արժանի։ Իհարկե, դա բխում էր չէթե հայ ժողովրդի նկատմամբ ունեցած «մարդասիրական զգացմունքներից»։ Իմպերիալիստական միջապետական մրցակցության ուժեղացման պահին անգլիական արևելյան քաղաքականության շատ տեսանկյուններ վրդովմունք էին առաջ բերում ԱՄՆ-ի քաղաքական շրջաններում։ Նման դիրքավորումը բացատրվում է նաև Կենտրոնական Ամերիկայում Վենեսուելայի պատճառով անգլո-ամերիկյան հակասությունների առմամբ։ 1895 թ. ԱՄՆ-ի կառավարությունը հայտարարեց, որ Անգլիայի կողմից Վենեսուելայի տարածքի որևէ մասի զավթումը հանդիսանում է Մոնրոյի դոկտրինայի խախտում, և նույնիսկ սպառնաց պատերազմով։

«Դժբախտ Հայաստան» հոդվածում, որ հրապարակվել էր «Կաթոլիկ ուորլդում», որն առանձին ակտիվություն էր դրսևորում լուսաբանելու և մեկնաբանելու Օսմանյան կայսրությունում տեղի ունեցող իրադարձությունները, Ջ. Օ'Շին վերլուծել է 1895 թ. Արևմտյան Հայաստանում կատարված արյունալի իրադարձությունների արմատներն ու պատճառները, ցույց տալով, որ թուրքական իշխանությունների բարբարոսական քաղաքականությունը Արևելյան Եվրոպայի և Անատոլիայի բրիտանյա ժողովուրդների նկատմամբ նոր չէ և տեղի է ունեցել 4 դարերի ընթացքում։ Այն, որ Հայաստանը տներում էր թուրքական կառավարման «երկաթյա կրակի» տակ, Ջ. Օ'Շին համարում էր Մեծ Բրիտանիայի քաղաքականության ուղղակի հետևանքը։ Նա հանգուցյալ «լկտի» պրեմիեր մինիստր լորդ Բիկոնսֆիլդին (Դիզրալիի լիովին պատասխանատու էր համարում 1895 թ. կոտորածի ժամանակ թափված հայկական արյան ամեն մի կաթիլի համար, «ամեն մի որբի համար, ամեն մի մոր համար, որը ողբա-

¹⁵ Henry Hyvernat, Armentia, Past and Present («Catholic World», vol. 62, New York, 1895, p. 312—322).

լով. երկնքին էր դիմում օգնության աղերսով»։ Դատապարտելով Դիզրաբլիի մեքենայությունները, որը ցարական կառավարությանը հարկադրեց 1878 թ. զորքերը դուրս բերել Օսմանյան կայսրության այն մարզերից, որոնք խիստ բնակեցված էին հայերով, հեղինակը բրիտանական կառավարողների քաղաքականությունը անվանում էր մարիավեյիական քաղաքականություն¹⁶։

Մեծ Բրիտանիայի քաղաքականությունը ճիշտ նույն կերպ է գնահատում Ք. Պետերսոնը, որը «Թուրքիան և հայկական ճղնաժամը» հոդվածում գրում է, որ Մեծ Բրիտանիան ընդդիմացավ Ռուսաստանի և Թուրքիայի միջև Սան Ստեֆանոյի պայմանագրի ստորագրմանը, որի համաձայն Թուրքիան պարտավորվում էր ռեֆորմներ անցկացնել հայկական մարզերում, մինչև այն տեղից ռուսական զորքերի դուրս բերումը։ Հեղինակը ոչ առանց հիմքի նկատել է որ սպազալում մարդկության պատմության մեջ կդրվեն հետևյալ տողերը. «Ասիայում գոյություն ունեն փոքրաթիվ բայց քաղաքակիրթ քրիստոնյա մի ժողովուրդ, որը Անգլիայի եսամոլության զոհը դարձավ»¹⁷։

«Առևթուկ» ամսագրում հրապարակված «Թույրերը և հայերը» վերնագրով հոդվածում է. Բուլղոինը գրում է, որ անգլիական կառավարությունը թույլ չտվեց իրականացնել Սան-Ստեֆանոյի պայմանագիրը և ստորագրեց Կիպրոսի կոնվենցիան, որի համաձայն պարտավորվում էր Թուրքիային պաշտպանել այն դեպքում, եթե Ռուսաստանը անցնի նրա սահմանները. է. Բուլղոինի կարծիքով Անգլիայի մեղքը չի կարող արդարացվել¹⁸։

XIX դ. 90-ական թվականների կեսերին հայկական հարցին վերաբերող բազմաթիվ հոդվածներ ու հաղորդումներ են տպագրվել «Ռեյու օֆ ռեյալի» էջերում։ Ամսագրի համարներից մեկում տպագրված «Արևելյան մարդակեր կամ սուրբ Դրիզորի փրկությունը» հոդվածում հրապարակախոս ամսագրի խմբագիր Ու. Սթեյդը խիստ քննադատում է Մեծ Բրիտանիայի արեւելյան քաղաքականությունը, սկսած 1878 թ.։ Նա նկատում է, որ քանի դեռ բրիտանական զորքը առանց եվրոպական կոնցերտի թույլտվության ծածանվում է Կիպրոս կղզու վրա, ուղղակի խախտելով միջազգային իրավունքի բոլոր սկզբունքները, Անգլիան իրավունք չունի միջամտելու բայթայված Օսմանյան կայսրության գործերին¹⁹։

«Անգլիայի ձեռքը թուրքական ջարդերի մեջ» վերնագրով հետաքրքիր հոդված է հրապարակվել Բոստոնի «Արենա» ամսագրում։ Մեզ արդեն հայտնի հեղինակ Մ. Գյուլեսյանը անհրաժեշտ չի գտնում նկարագրել վերջին երկու տարվա իրադարձությունները Հայաստանում, երբ Անգլիայի անմիջական թողտվությամբ կոտորվել է 100000 մարդ. բանի որ դրանց մասին չափազանց լավ գիտեր հասարակական կարծիքը։ Հոդվածում խոսքեր են մեջբերվում 1878 թ. Կրոյդոնում լորդ Շերբրուքի արտասանած ճառից. «Անգլիական քաղաքականությունը դժոխքի դարպասները բացեց Թուրքիայի քրիս-

¹⁶ John O' Shea, Unhappy Armenia („Catholic World“, vol. 60, New York, 1895, p. 554—556).

¹⁷ Theodore Peterson, նշվ. հոդվ., էջ 874—875.

¹⁸ Elbert Baldwin, The Turks and the Armenians („Outlook“, vol. 53, New York, 1896, p. 242).

¹⁹ W. T. Stead, The Eastern Ogre; or St. George to Rescue („Review of Reviews“, vol. 14, New York, 1896, p. 378—377).

տոնյանների համար»²⁰։ Դատաւարտելով Մեծ Բրիտանիայի քաղաքականութիւնը, Մ. Գլուկսթանը նշում է, որ «մարդասեր» Անգլիան քննադատում էր այն, որ ԱՄՆ-ում նեղրեթին լինչի դատաստանի էին ենթարկում, պառլամենտի նիստերում բանաձևեր ընդունելով ստրուկների առևտուրը դադարեցնելու մասին, և միևնույն ժամանակ թույլ էր տալիս հազարավոր հայերի կոտորածը Օսմանյան կայսրության մեջ, ելնելով իր զաղութային նկրտումներից»²¹։

Բրիտանական կապույտ զորքերը բառացիորեն լցված են Բարձր Դուռն ասցէին ուղղված բողոքներով և հայտարարութիւններով։ Սակայն երկու տարի շարունակ տեղի ունեցող հայերի կոտորածները չկարողացան անգլիական կառավարությանը ստիպել՝ թուրքական կառավարությանը նոտաներ ներկայացնելուց անցնելու վճռական գործողութիւններին։

1895 թ. նյու Յորքի «Սենչրի մագազին» ամսագրի էջերում «Հայկական հարցը» հոդվածով հանդես եկավ Անգլիայի հայտնի քաղաքական գործիչ Ջ. Բրայսը։ Ջ. Բրայսը, որը մշտապես խիստ քննադատության էր ենթարկում իր կառավարության արտաքին քաղաքականությունը, այս անգամ փորձում էր արդարացնել Անգլիային։ Նա մեղքը դրում է եվրոպական տերութիւնների վրա, որոնք չեն աջակցել Բրիտանական կառավարությանը, որը, իրր, բավմիցս բողոքել է թուրքական կառավարության հակահայկական ներքին քաղաքականության դեմ և փորձել է իր հյուպատոսների և կոստանդնուպոլսում իր դեսպանության միջոցով որևէ կերպ խոչընդոտել բռնապետության անկարգութիւններին²²։

ԱՄՆ-ի 90-ական թվականների ամերիկյան ամսագրերի նյութերին ծանոթանալը մեր առջև «անսպասելի» պատկեր է բացում։ «Նեյշն» ամսագրի վկայությամբ պարզվում է, որ Մեծ Բրիտանիայի նախկին պրեմիեր մինիստր, լիբերալների պարագլուխ Ու. Գլադստոնի բազմաթիվ ելույթները հօգուտ հայերի լուրջ թատերախաղ են եղել։ Ամսագիրը նշում էր, որ շնայած հակառակորդ կուսակցության պարագլուխ Ռ. Սոլսբերիի հետ ունեցած հակամարտությանը, Ու. Գլադստոնի հասարակական ելույթները նպատակ են ունեցել աջակցել կառավարող կուսակցության ազդեցության աճին։ Եվ 1895 թ. օգոստոսի 6-ին ջնսթերում կայացած միտինգը և Ու. Գլադստոնի ելույթը այնտեղ տեղի են ունեցել պրեմիեր մինիստր Ռ. Սոլսբերիի գիտությանը և համաձայնությամբ²³։

Մերձավոր Արևելքում վարած ավանդական քաղաքականությունից Ռ. Սոլսբերիի նահանջը «Նեյշն» ամսագիրը «Արևելյան հարցը» հոդվածում բացատրում է անգլիական պլաններին Ռուսաստանի հակազդեցությամբ, պլաններ, որոնք միշտ ձգտում էին «հիվանդ մարդու» (sick man) պրոբլեմը լուծել հիվանդության՝ «մահմեդական կառավարման զանգրեկայի», պատճառի վերացման միջոցով²⁴։

²⁰ M. H. Gulesian, *Englands Hand in Turkish Massacres* („Arena“, vol. 17, Boston, 1897, p. 271—272).

²¹ նույն տեղում, էջ 281.

²² James Bryce, *The Armenian Question* („Century Magazine“, vol. 51, New York, 1895, p. 131).

²³ „Lord Salisbury and Armenia“ („Nation“, vol. 61, New York, 1895, էջ 110—111).

²⁴ „The Eastern Question“ („Nation“, vol. 62, New York, 1896, p. 27).

Անգլիական մշտապես ձգտել է Ռուսաստանի սահմաններին հարող մարզերում իր ազդեցությունը հաստատել ռեֆորմներ անցկացնելու անհրաժեշտության վերաբերյալ հայտարարությունների օգնությամբ: Սակայն Օսմանյան կայսրության մեջ Մեծ Բրիտանիայի քաղաքականությանը հակադրվել է Ռուսաստանը, որը չէր ցանկանում թույլ տալ բրիտանական ազդեցության ուժեղացումը իրեն սահմանակից մարզերում:

Բնութագրելով Մեծ Բրիտանիայի քաղաքականությունը, սովետականականավոր պատմաբան Ե. Տարլեն գրել է. «Մտավոր և ֆիզիկական ուժի պաշտամունքը, նվաճման, օգտագործման և տիրապետության պաշտամունքը, խորագույն, գիտակցական օպորտունիզմը, խոսքը գործից տարբերելու երոշակի ընդունակությունը, որն էլ զսպվածության ամենալիակատար բաժանորդն էր այնտեղ, որտեղ խոսքը վերաբերում է կայսրության տնտեսական և քաղաքական շահերին և միևնույն ժամանակ այդ բաժանորդի առթիվ ոչ թե հոխորտալու, այլ նրա մասին խոր լռություն պահպանելու ունակությունը, վերջապես, բնածին հնարամտությունն ու զղայնությունը, կարիքի դեպքում ակնթարթական, բառացիորեն մի րանի օրում, ծանր պետական նավի ամբողջ ուղղությունը կտրուկ կերպով փոխելու, դիվանագիտական դարավոր ավանդույթները մոռանալու, եթե դա է պահանջում փոփոխվող իրադրություններ, բնածին ընդունակությունը—ահա անգլիական քաղաքականության բնորոշ գծերը»²⁵:

Մ. Գյուլեսյանը չի համաձայնվում անգլիական որոշ հեղինակների կարծիքին, որոնք պնդում են, թե իբրև Անգլիան ցանկանում էր օգնել Հայաստանին, բայց նրա ճանապարհին կանգնած էր Ռուսաստանը: Նա նշում է, որ իր ամբողջ պատմության ընթացքում Ռուսաստանը համակրել է Թուրքիայի քրիստոնյա հպատակներին և ամեն կերպ աշխատել է բարելավել նրանց դրությունը: Բայց Մեծ Բրիտանիան այդ ճանապարհի վրա մշտապես խոչընդոտներ է ստեղծել: Եթե Անգլիան ազնվությամբ և անկեղծորեն Ռուսաստանին հավաստիացներ, որ ինքը, բացի հայերի փրկությունից, ուրիշ շահեր և նպատակներ չունի Թուրքիայում, Ռուսաստանը, անկասկած, մեկընդմիջ վերջ կտար հայկական սարսափներին²⁶: «Անգլիայի ձեռքը թուրքական շարժերի մեջ» հողվածում Մ. Գյուլեսյանը բերում է լորդ Պալմերստոնի հետևյալ խոսքերը. «Մենք Թուրքիային պաշտպանում ենք հանուն մեր սեփական շահերի»²⁷: Ամերիկահայ հեղինակը հայերին կոչ էր անում իրենց հայացքն ու հույսերն ուղղել ռուսական կառավարությանը, որը կարող էր նրանց օգնել առանց որևէ հետին մտադրության: Նա այդ որոշումը միակ ճիշտն էր համարում հայ ժողովրդի փրկության համար²⁸:

Իրոք, շատ դարերի ընթացքում Ռուսաստանը վարել է Օսմանյան կայսրության քրիստոնյա ժողովուրդներին աջակցելու ավանդական քաղաքականություն: Սակայն, ինչպես նշում է ակադ. Վ. Խվոստովը, «90-ական թվա-

²⁵ E. B. Tarle, Англия и Турция («Анналы», № 3, Петербург, 1923, с. 22).

²⁶ M. N. Gulesian, Englands Hand in Turkish Massacres («Arena», vol. 17, Boston, 1897, p. 270).

²⁷ Նույն տեղում, էջ 272—273.

²⁸ Նույն տեղում, էջ 280.

կաններին ցարական կառավարությունը իր ոխերիմ թշնամիներին՝ Գերմանիայի և Ավստրո-Հունգարիայի հետ միասին հանդես էր գալիս Օսմանյան կայսրության մեջ ազդային-աղատագրական շարժման դեմ: Սուլթանի քրիստոնյա հպատակներին աջակցելու ռուսական ավանդույթները դեն նետվեցին ցարական կառավարության կողմից²⁹:

Որոշ ամերիկյան հեղինակներ նկատել են, որ Ռուսաստանի ուղադրությունը սկսված էր Հեռավոր Արևելքին, և ոչ մի տերություն, բացի Անգլիայից, չէր կարող լրջորեն զբաղվել հայկական պրոբլեմով³⁰: Իսկ մյուսները նշում էին Ռուսաստանի կողմից Արևմտյան Հայաստանն օկուպացնելու անհնարինությունը, գտնելով, որ ցարական կառավարության շահերն ուղղված էին ոչ թե Փոքր Ասիայի հայկական մարզերին, այլ Բոսֆոր և Դարդանեյ նեղուցներին³¹:

Իր հողվածում Սթեդը գրել է, որ Մոսկվայում նիկոլայ 11-ի թագադրման ժամանակ արտաքին գործերի մինիստր, իշխան Ա. Լոբանով-Ռոստովսկին հայտարարել է, թե հայկական հարցում Ռուսաստանի դիրքավորումը պայմանավորվում է 1878 թ. անգլո-թուրքական կոնվենցիայի գոյությամբ: «...Ինչպես կարող ենք մենք՝ ռուսներս, զանց առնել Կիպրոսի կոնվենցիայի նշանակությունն ու կարևորությունը, որը Անգլիային պարտավորեցրել է խուլընդոտել Ռուսաստանին՝ Թուրքիայի ամբողջականությանը սպառնացող լուրջ վտանգի դեպքում», — ասել է նա: Երբ նրան առարկել էին, ասելով, որ անգլիական կառավարությունը, իբր, փոխել է իր հայացքները կոնվենցիայի վերաբերյալ և ձգտում է երկու տերությունների փոխադարձ մերձեցմանը, իշխան Ա. Լոբանով-Ռոստովսկին պատասխանել էր, որ կոնվենցիան այնուամենայնիվ գոյություն ունի և նույնիսկ եթե Անգլիան շեղյալ հայտարարի իր պարտավորությունները, Ռուսաստանը չի պատրաստվում անհապաղ փոխել իր արտաքին քաղաքական կուրսը³²:

Հիմերը և ապացույցներ շունենալով, Կաթոլիկական համալսարանի հնագիտության և արևելյան լեզուների պրոֆեսոր Հ. Հիվերնատը ցարական կառավարությանը մեղադրում է Օսմանյան կայսրության մեջ հայկական ջարդերին մասնակցելու հարցում: Նրա կարծիքով ցարիզմը միջամտել է Թուրքիայի գործերին այն հաշվով, որպեսզի տիրանա նաև Արևմտյան Հայաստանին³³: Մանթանալով Հ. Հիվերնատի ռեզյումեն. անցյալը և ներկանք հողվածին, կարելի է նշել, որ ուսումնասիրելով հայ ժողովրդի, հայ եկեղեցու պատմությունը, հեղինակը բավականաչափ լավ չի պատկերացրել հայկական հարցի պրոբլեմները, նրանում Բարձր Դռան և մեծ տերությունների քաղաքականության դերը: Հայկական հարցի շուրջն ստեղծված բարդությունները Հ. Հիվերնատը միակողմանիորեն վերագրում է ցարական կառավարության մեքենայություններին:

²⁹ В. М. Хвостов, История дипломатии, т. II, М., 1963, с. 347.

³⁰ „What must be done in Armenia?“ („Review of Reviews“, vol. 13, New York, 1896, p. 338).

³¹ W. K. Stride, The Immediate Future of Armenia: a Suggestion („Forum“, vol. 22, New York, 1896, p. 313—316).

³² W. T. Stead, նշվ. հոդվ., էջ 578.

³³ Henry Hyvernai, նշվ. հոդվ., էջ 323.

Ամերիկահայ հեղինակ Մ. Մանգասարյանի կարծիքով, Ռուսաստանը երբեք չի մոռանա, թե ինչպես Ղրիմի պատերազմի ժամանակ Անգլիան, համաձայնության գալով Նապոլեոն III-ի և Սարդինիայի թաղավորի հետ, փրկեց թուրքական սուլթանին, XIX դ. 90-ական թվականներին ցարական Ռուսաստանի կառավարությունը նույնպիսի ուշադրություն էր ցույց տալիս «Բոսֆորի բռնակալին»։ Օսմանյան կայսրության ամբողջությունը պաշտպանում էր նաև Ֆրանսիան, Մ. Մանգասարյանը նկատում է, որ 1894—1896 թթ. հայկական ջարդերի ընթացքում Գերմանիայի կառավարությունը բողոքի ոչ մի հայտարարություն չի ներկայացրել Բարձր 'Իռանը»³⁴։

ԱՄՆ-ի ամսագրերի էջերում առանձնապես սուր և անխնա քննադատության էր ենթարկվում գերմանական կայզերի պրոթուրյուկան դիրքը 1899 թ. Նյու Յորքի «Նեյշն» ամսագրում գետնադրել է Ու. Սթիվանի «Գերմանիան և հայերը» հոդվածը, որտեղ հեղինակը ձգտել է բնութագրել Գերմանիայի թաղաքականությունը՝ Օսմանյան կայսրության մեջ հայ բնակչության 1894—1896 թթ. ջարդերի ժամանակ։ Նրա կարծիքով Նոյակ դաշինքի պետությունների ազդեցությունը Կոստանդնուպոլսում ուժեղացնելու համար գերմանական կառավարությունը թշնամական դիրք էր զբաղեցրել Ռուսաստանի նկատմամբ, փաստորեն սպառնալով Ռուսաստանի դեմ պատերազմի դեպքում պաշտպանել սուլթանին։ Ու. Սթիվանը գտնում էր, որ Գերմանիան ձգտում էր կաթվածի ենթարկել ռուս-ֆրանսիական հարաբերություններն Արևելքում, միևնույն ժամանակ Մեծ Բրիտանիային թույլ տալով իրականացնելու իր արևելյան պլանները

Հայտնի է, որ XIX դ. 80-ական թվականներից սկսվում է գերմանական կապիտալի ավելի մեծ ներթափանցումը Օսմանյան կայսրություն։ Օսմանյան կայսրության աստատու-քվոն հարցում այժմ համընկնում էին և՛ Գերմանիայի, և՛ նրա դաշնակից Ավստրո-Հունգարիայի շահերը։ Վիեննան չէր կարող թույլ տալ Օսմանյան կայսրության անկումը, քանի որ սուլթանի իշխանության տակից սլավոնների ազատագրումը կսպառնար բազմազգ ավստրո-հունգարական միապետության ամբողջականությանը։ Սովետական պատմաբան Ա. Սիլինը գրում է, որ Գերմանիայի հետ սուլթանի մերձեցման ներքին քաղաքական շարժառիթներից մեկն այն էր, որ նա հույս ուներ «Գերմանիայից աջակցություն ստանալ հայկական հարցում և ընդհանրապես իր ներքին քաղաքականությունը իրականացնելու գործում»

Ամերիկյան ամսագրերի էջերում հանդես եկող հեղինակները երբեմն էլ մեծ տերություններին կոչ էին անում վճռական գործողությունների անցնել հայկական հարցում։ Այսպես, Զ. Մակդերմոթը գրում է, որ այն ժամանակ, երբ քրիստոնյա բնակչությունը Բրիտանիայի կղզիներից մինչև Հունաստան, Պետերբուրգից մինչև Լիսաբոն, ԱՄՆ-ի ամբողջ ժողովուրդը կրթով պաշտպանում էին հայերին, մեծ տերությունների կառավարողներն ու դիվանագետները հավատարիմ մնացին Օսմանյան կայսրության «ստատու-քվոն» պահ-

³⁴ M. M. Mangasarian, Armenia's Impending Doom. Our Duty («Forum», vol. 21, New York, 1896, p. 457—458).

³⁵ W. J. Stillman, Germany and Armenians («Nation», vol. 68, New York, 1899, p. 352).

³⁶ А. С. Сяляи, Германская военная миссия Фон Дер Гольца в Турции в 1882—1895 гг. («Ученые записки по новой и новейшей истории», т. 2, М., 1956, с. 327).

սլանելու բաղադրականությունը³⁷։ «Նեյշնս ամսագիրը նշում էր, որ եվրոպական տիրությունները պատասխանատու են հայ խաղաղ բնակչության ջարդերի համար, քանի որ բոլոր միջոցներով սուլթանին պահում էին գահի վրա³⁸։ Օ՝ Շին եկել է այն եզրակացության, որ եվրոպական տիրությունները ոչ մի բանով ավելի լավ չեն իրենց հովանավորյալից՝ Բարձր Դռնից³⁹։

Ամերիկյան հեղինակներն առաջ էին քաշում հայկական ունեֆորմների պատրանքային սլաններ, առաջարկություններ էին մտցնում Հայաստանի ապագա կառուցվածքի մասին, թեկնածուներ էին առաջադրում հայկական մարզերի կառավարչի պաշտոնի համար, երբեմն ծանոթ չլինելով Օսմանյան կայսրության դրությունը և ներքին պրոբլեմներին։

Բոստոնյան «Արենա» ամսագրում Ռ. Սթայնի «Հայաստանին հարկավոր է եվրոպացի նահանգապետ» հոդվածի հրապարակման առթիվ նույն համարում այդ մասին արտահայտվեցին ԱՄՆ-ի աչքի ընկնող հասարակական գործիչներ պրոֆեսոր Հ. Հիվերնատը, Հոմմում ամերիկյան կոլեջի ուսկետոր Օ՝ Կոննելը, Ս. Համլինը և ուրիշներ, որոնք հիմնականում համաձայն են հեղինակի այն կարծիքին, որ Հայաստանը կփրկվի այն պայմանով, եթե Փոքր Ասիայի հայկական գավառների նահանգապետի պոստում նշանակվի եվրոպացի։ Մասնավորապես Հ. Հիվերնատը գրում էր, որ Հայաստանին անհրաժեշտ է «ազնիվ և գործունյա նահանգապետ»⁴⁰։ Օ՝ Կոննելը նկատում է, որ երաշխիք չի տեսնում հայերի կյանքի անվտանգության ապահովման համար, քանի դեռ հայերով բնակեցված մարզերի գլուխ ղկանները քրիստոնյա⁴¹։ Ս. Համլինը նշում էր, որ ինքը համաձայն է քրիստոնյա կառավարիչ նշանակելու անհրաժեշտության վերաբերյալ Ռ. Սթայնի հույվածի գլխավոր գծին։ Ս. Համլինի կարծիքով իր գործունեության մեջ այդ կառավարիչը պետք է հենվի մեծ տերությունների աջակցության վրա⁴²։

Ռ. Սթայնը գրել է, թե իբրեւ եվրոպայում միայն մեկ մարդ կկարողանար հաջողությամբ վարել Հայաստանի նահանգապետի պատասխանատու պաշտոնը։ Այդ մարդը Բ. դե Կալլեյն էր՝ Բոսնիա-Հերցեգովինայի հունգարացի կառավարիչը։ Ռ. Սթայնի կարծիքով միայն նա կկարողանար ավերակների միջից վերաստեղծել միմյանց թշնամի քրիստոնյաներով և մահմեդականներով բնակեցված Հայաստանը⁴³։ Կարելի է նաև օրինակներ բերել, երբ արևմտահայերի ազգային, սոցիալական և բաղադրական լուրջ պրոբլեմները, նրանց ծանր դրության բարելավման գործը ԱՄՆ-ի ամսագրերի էջերում ներկայացվում և մեկնաբանվում էին նման պարզունակ և ոչ իրական դիրքերից։ «Նեյշնս ամսագրի խմբագրական հոդվածի հեղինակը, օրինակ, հայ ժողովրդի փրկության համար միակ ուղին համարում էր անգլիական ինտերվենցիան»⁴⁴։ Իսկ Ռ. Պետերսոնի պնդմամբ՝ հայ բնակչության ընդհանուր կո-

³⁷ George McDermot, նշվ. հոդվ., էջ 300—301.

³⁸ «Turkey in Extremis» («Nation», vol. 63, New York, 1896, p. 173).

³⁹ John O' Shea, նշվ. հոդվ., էջ 300.

⁴⁰ Robert Stein, Armenia must have a European Governor («Arena», vol. 42, Boston, 1895, p. 308).

⁴¹ նույն տեղում, էջ 370.

⁴² նույն տեղում, էջ 368.

⁴³ նույն տեղում, էջ 386—387.

⁴⁴ «The Eastern Question» («Nation», vol. 63, New York, 1896, p. 27).

տորածից խուսափելու համար անհրաժեշտ էր հայերի արտագաղթը այն մարզերից, որոնք ենթակա էին թուրքերի և քուրդների հարձակմանը: Ամերիկյան հեղինակը ստեղծված դրությունից միակ ելքը համարում էր հայերի վերաբնակեցումը Ռուսաստանում⁴⁵: Ջ. Մակդերմոթը գրել է, որ հայկական հարցը չի լուծվի դիվանագիտական ճանապարհով, քանի որ «մեծ մարդասպանը» չի պատկանում քաղաքակիրթ աշխարհին: Նրա կարծիքով, աշխարհի դարգացած երկրների ներկայացուցիչների գտնվելը Կոստանդնուպոլսում «մեծ հիմարություն է»⁴⁶:

Սակայն մեծ տերությունները ամենևին չէին ցանկանում փչացնել առանց այդ էլ լարված հարաբերությունները Բարձր 'Թոան հետ: Նրանք բազմիցս սուլթանին ներնայացրել են նրա սուլթանին իրավունքները նվազեցնող պահանջներ, սպառնալով բացել հայկական հարցը: Սա ամեն անգամ Արդու-Համիդը ստիպված է հղել զիջել սոս տերություններին, բայց փոխարենը կազմակերպել հայ բնակչության նոր ջարդեր, բնակչություն, որը ծառայում էր որպես հիմնական իմպերիալիստների առուծախի առարկա:

Այսպիսով, հայկական հարցը XIX դ. 90-ական թվականներին դգալի տեղ է գրավել ԱՄՆ-ի ամսագրերի էջերում: Ամերիկյան ամսագրերի նյութերի ուսումնասիրությունը, նյութեր, որոնք արտացոլում են Օսմանյան կայսրությունում տեղի ունեցած հայ խաղաղ բնակչության մասսայական կոտորածները և մեծ տերությունների դիվանագիտական պայքարը, կնպաստի հայկական հարցի պրոբլեմի հասակոոսաստ լուսաբանմանը:

АРМЯНСКИЙ ВОПРОС НА СТРАНИЦАХ ЖУРНАЛОВ США

(середина 90-ых годов XIX в.)

АРМАН КИРАКОСЯН

Резюме

Усилившаяся антиармянская политика турецкого султана Абдул-Гамида II, массовые избиения мирного армянского населения в Османской империи, восточная политика европейских держав находили широкое освещение на страницах журналов США 90-х гг. XIX века. Авторы многочисленных статей, сообщений и писем знакомили читателя с историей армянского народа, с чудовищными армянскими погромами 1894-1896 гг.

Особого внимания заслуживает критическая позиция американского общественного мнения по отношению к политике Великобритании в Османской империи, действиям английских правителей в армянском вопросе. Конечно, она вызывалась не только «филантропическими чувствами» к армянскому народу. В момент нарастания империалистического соперничества многие аспекты английской восточной политики вызывали раздражение у правящих кругов США.

⁴⁵ Theodore Peterson, նշվ. հոդվ., էջ 668.

⁴⁶ George McDermot, նշվ. հոդվ. էջ 302-303.